

詒安堂詩初稿

詒安堂初稿卷三

槎水往還集

上海王慶勳叔彝著

去嘉定縣治南二十四里爲南翔鎮名曰槎溪余塢鄉  
在焉挈婦歸甯不時信宿酒闌燈炮時復吟哦因彙所  
作曰槎水往還集

新年偶成

春自年前到東風暖玉簫相逢都吉語高會愛良宵屋角  
梅初放牆陰雪乍消連朝方病酒隣叟又招邀

漫興

日日窗前擁鼻吟世間難覓是知音鷗朋自適江湖性梅  
瘦偏含鐵石心儘許青燈常作伴只憐紅友肯相尋幽懷

倘爲隣家動誰撥求凰一曲琴

舟行雜目

一片檣竿直潮來氣欲吞浪高迷海鳥風急湧江豚遠樹攢成嶺寒烟聚似村是誰清興好曳杖立柴門

槎溪雜咏

槎溪爲余婦故里時往來焉因撫拾前聞共成截句若干首壻鄉無事聊以遣懷幸勿哂其掛一漏萬也

一水平分上下中三槎名勝冠吳東江鄉風俗誰能話閒

煞溪頭老釣翁

槎溪有上槎中槎下槎之別故名三槎商賈輻湊爲吳中諸鎮冠

護居筍長物華新

鄉人多栽竹屋後故筍名護居又名哺雞味最美

煮出花豬款

遠賓遙指蘭陵沽酒店雨中來買玉壺春

石氏所製酒名鬱金香色香味

俱佳

遠近飛虹跨水橫當年耆德共推程瓣香合祀枌榆社爭

把潮聲比頌聲

程虔五施財好善里中橋梁半皆程修者

荆榛闢盡道場開南北東西布施來片石而今苔蘚徧幾

時又見鶴飛回

梁時掘地得石徑丈二鶴嘗棲止其上有僧號齋法師者謂此地可立伽藍即鳩財

募眾不日而成因聚其徒居焉二鶴之飛或自東來必有東人施其財或自西來必有西人施其財其他皆隨方而應無一不驗

故寺名南翔

陵嶒雙塔聳青霄歷盡紅羊歲月遙畢竟枯禪多定力燭

龍終古不能燒

南翔寺山門有磚塔二屢遇火災不損

蒼茫四望海天空幾處蒲牢吼曉風一百八聲敲未罷綺

霞已照寺牆紅

鐘樓在南翔寺東南隅

纓絡低垂七寶幢  
蓮經能使毒龍降  
漫天花雨長呵護  
妙

墨千秋鎮海邦

大雄殿前石幢二係唐咸通間建經字甚佳

金縷十萬費經營

萬安大德二寺俱卓錫僧畱去後名誰元時建助程極大

種寺門千萬柳攜柑最好是聽鶯

寺外樹木恒有黃鶯棲止

愛向西湖作散人  
遊蹤到處筆生春  
青蓮才調龍眠筆藝

苑流傳抵異珍

李長蘅先生精於書畫詩詞爲有明僅見之才愛遊西湖

松圓詩老愛登攀  
寄迹檀園竟忘還  
好是晴光明月候吟

聲飛過鶴榭山

程孟陽先生嘗寓檀園與長蘅先生唱和園在北市鶴榭山左程嘗有句云曉案晴

光似竹露夜飄

明月煮松禱

桃李陰陰一樣春  
溪山無復海棠新  
滄桑又過沙蟲劫莫

問當時舊主人

猶園爲通判閔士籍開後歸貢生李宜之今更拓其地爲城隍廟靈苑

吹老風霜數百年東林一樹尙參天

東林庵老杏係三百年物

尋春須

折河邊柳試喚橋頭六柱船

太平橋裏之舟名橋裏船

紅燭清歌處處燈上元時節興興飛騰閉門各門心兵巧不

惜金銀買粉繒

上元節燈人各爭勝爲吳下所著名者

一湖新漲開龍舟畫槳分飛掉尾遊樓上珠簾齊不捲櫓

花紅上玉搔頭

端午節龍舟極盛

浮雲洗淨月當空虹影彎環浸水中試向銀河高處望幾

疑身在廣寒宮

天恩望月爲八景之一

年年丹桂卜科名黃雪香偏四月生爲問今年花發否未

秋先要約同行

一鶴山房有桂二本四月花發則里中有報提者

拖布村氓結隊來販花門早向晨開飾羊反道紅尤美破

費青蚨買濁醅

市羊必染以紅晨起花市布市極早

鮮船都泊綠楊橋昨夜吳淞趁晚潮出水銀魴白於雪雉

籃沿路杖頭挑

海鮮皆由吳淞口販來

黃花時節思依依孰訪柴桑處土扉莫負秋光須一醉東

張涇畔蠨初肥

蟹出東張涇者味遠勝於他處

何必重尋鄧尉春玉梅開處一番新居然香雪花成海台

有巡檐索笑人

鎮東吳氏屋之左右皆植梅開時遊人如堵

卜鄰喜近梵王家六月無蚊大足誇獨笑老僧難免俗但

貪利覓夜明砂

南翔正殿蠅蠅爲巢近寺居人皆無蚊擾

頻年植物費商量第一先防是水荒聞說近來加倍利棉

花不種種青秧

土人近多栽種藍蔴爲業卽俗呼爲青秧也

三層多是倚江樓利盡東南商賈棚一自潮頭通蘊草富

饒從此遜蘇州

乾隆間市無餘地人皆以樓爲店據堪輿云自蘊草浜通潮而市于是乎衰諺有南

潮雖小賽蘇州語故藏及之

甥館棲遲瞥五年雨窗聊寫紀遊篇俚詞敢望翰軒采收

笛農謔信手編

### 卽景

新竹千竿繞幽花一徑深春歸原有脚雲山本無心風月

多閒趣溪山費苦吟石苔僮淨掃一曲奏青琴

### 寓中卽事

風光轉愛日遲遲清趣惟容靜裏知花影一簾閒似夢鳥



聲還和我吟詩

題黃麗泉 增注 詩後

何必分唐宋神來卽化機勁摹山骨瘦香綻筆花肥名奪  
崔黃葉才攀杜紫薇開編清氣滿字字壓珠璣

訪葛仙翁舊址於龍門寺有懷欽古堂丈 善

叢叢瑤草闕煙霞門掩城根夕照斜壁上新詩尊白社雲  
邊舊夢冷丹砂井泉猶說仙人宅海月空傷處士家一選  
綠陰春又去更誰載酒詠桃花

畱別肖英

又作臨岐語匆匆過却春功名成贅物歲月逼勞人放眼  
極千古談心無一句籀雲此神駿珍重出風塵

東聽壽翁

舊遊未免感飄蓬  
範水模山與未窮  
蹤迹祇騰猿鶴笑  
功名絕似馬牛風  
千金敝帚人誰享  
一寸吟毫氣益雄  
我亦年來心事異  
日尋詩句酒杯中

抵家

歸遲嘗慣勞人味  
客裏情懷乍未更  
夢醒猶疑舟泊岸  
枕邊彷彿落潮聲

奉望同瞿春甫

敦甫

陸子儀

鴻達

作

山色青于畫  
湖光碧有痕  
暝風桃葉渡  
微雨杏花村  
草長難尋路  
潮來直抵門  
鄰翁曾有約  
今夕醉芳樽

戲贈何書田

其偉

丈

佳句青囊一例收不知術妙可醫愁駐顏豈少金丹訣底  
事霜華也上頭

夏日卽目

雨後倍幽寂湖光青入幃樹攔斜日去浪拍峭帆飛薄暑  
消荷沼新涼透葛衣閒中無客過鷗鷺其忘機

閒居卽景

浦上數椽茅屋街頭兩板柴門烟水渾忘城市畫圖合繪  
江村

雨過天容似洗潮來帆影如飛綠壓千重遠樹黃拖一抹  
斜暉

衆輪推出滄海照開大地澄清最好納涼時候隣家忽送

簫聲

余山行并序

道光乙未六月十一日徐德興商船於余山遇盜

水手趙

坤亮

朱凡信

等被戕賦此弔之

余山蒼蒼海中央海水卓立雲飛揚嗟爾乘風破浪何至此冒險謀生可憐死錐刀之利能幾何性命一擲隨風波  
孫恩盧循忽相迫潑水刀光飛霹靂剗腸截脰恣狂兇熱  
血淋漓滿船赤就中健兒趙與朱魁梧之狀與眾殊短兵  
相持勢不敵可憐竟送昂藏軀受傷者半匿者半跼伏盜  
旁空憤惋父母妻孥渺不聞片刻之間人鬼判吁嗟乎光  
天化日軍威張安容小醜潛海疆鯨鯢殄戮在轉瞬定能

慰爾冤魂毅魄波茫茫吾歌且悲還起舞風湧潮來怒如  
虎潮聲風聲聲聲不平一唱三歎百感交并嗟爾乘風破  
浪何至此冒險謀生可憐死

擬古

長松冰雪封其葉不改蒼秋菊風霜欺其花不改黃君子  
有恒性安問炎與涼可惜桃李花但知爭芬芳

成湯不二聘伊尹老江湖先主不二顧諸葛終泥塗遇合  
原無定乾坤一窮途自來燕趙間未可輕釣屠

題蔡竹濤先生

湖詩後

大敵朱

竹

王

阮

亭外騷壇壁壘開陸機初入洛鄧禹早登臺

漢魏標新旨齊梁陋別裁玉樓如不赴定是濟時才

賴有孤兒在殘詩守一編吟魂棲海上靈氣湧燈前遺札

悲知已

後附遺札與程職方者

狂歌類少年兩篇元晏序

陸耳山副憲曹劍亭

黃門皆

有序共信此人傳

### 題婁水人琴集

無限滄桑感常留此卷中才華今古劫聲氣死生通名重難延壽文奇不收窮可憐江水急淘盡幾英雄

富李丈復軒

學瑣

卽次原韻

預期踏月送詩來誰料陰雲掃不開天下可知多缺事世間難得是全才閒懷聊遣書爲伴佳句原憑酒作媒四壁蟲聲燈半灺吟情無奈枕邊催

### 良馬篇贈子良

房星墮地良馬生寶氣蟠結蒼龍精驪駟騄耳誰心傾伯  
樂不作空長鳴馱鹽伏櫪原難平可憐孤負誇銅聲驚駘  
權任偷虛名一時浮譽何足爭會看得志騰風行韓幹曹  
霸圖其形凌烟閣上追羣英坐令天下凡馬驚

秋感

秋風未到客先愁空慕班生筆許投傲骨漫誇同瘦鶴雄  
心偏使化閒鷗多情花木憐三徑無恙雲烟擁一樓窺鏡  
不須驚慘綠頭銜依舊醉鄉侯

復軒丈以詩見示仍用來字韻却寄

珠玉紛披特地來一函鄭重手親開天慳庸福宜償壽學  
到虛心自愛才詩膽包身何碍老名山傳世不須媒火义

白戰豪雄甚險韻  
驚看擊鉢催

江上晚步

晚風悄悄襲衣涼  
一片波光入混茫  
隔浦鐘聲沈遠樹  
遙天雲氣墮斜陽  
潮音鳴咽雷同碾  
秋色清華水亦香  
添出數聲雲外雁  
蘆花遙接暝烟長

曙海樓燈下口占

門外潮聲壯庭前地界寬  
夢求伸腳易事到愜心難  
水月和烟淡秋風入夜寒  
讀書愛幽寂一卷到更闌

旅次

西風寂寂酌香醅  
撩亂歸心日幾回  
昨夜卯君曾寄語  
黃花遲我未全開



關桃花扇傳奇題後

詞場頗與戰場聯  
潦草乾坤太可憐  
名重豈爲才子福  
情癡易結美人緣  
六朝桃葉憑題鳳  
一嶺梅花欲化鵝  
丁字簾前曾小泊  
不堪絃索似當年

舟中看月有感

明月何皓皓  
勞人何草草  
勞人多愁心  
明月朗懷抱  
人難得失期  
月難圓缺保  
惟此一江水  
清淨無煩惱  
對之但茫茫  
萍測之愈浩浩  
人去水自流  
月更好如何人  
說鬢毛斑未聞  
月在江湖老

歸舟會聽翁

似此天涯不可留  
西風暗鎖滿江愁  
虛名已媿雲間鶴  
閒

夢重尋海上鷗兒女心原難作佛英雄事肯薄封侯匆匆  
莫爲黃花笑料理清樽試唱酬

吳淞晚歸

輕風吹面酒初醒渺渺寒烟抱柳汀雲影劃開千里月櫓  
聲搖碎一江星蘆花橫捲潮飛白漁火遙懸岸閃青儘許  
搜尋詩料好歸來扶醉自題屏

和子慎感懷

空誇故事築高臺感到雞聲亦可哀但許黃金能買賦幾  
曾白眼解憐才同懷應悵騎鯨去謂令兄小由垂翅仍傷倦鳥  
回愁緒濃於雲萬疊西風雖峭掃難開

春水丈移居藥珠宮後詩來索賀仍疊來字韻畲之

紫裘吹笛鶴飛來蓬島珠宮景物開三徑又添新畫本一  
囊重費舊詩才寓公竟作南園主吟社何煩北郭媒想見  
林泉增喜色結盟先替白鷗催

野泊

不覺布帆風力小暮潮已過落帆亭舵師近亦知風趣惟  
向有梅花處停

寒夜書感

朔風吹送峭寒侵酒爲澆愁不厭斟百里才非隴統任萬  
間厦負杜陵心功名敢道人堪倖閱歷終疑我未深漫把  
逍遙公自擬半生已媿草廬吟

同子良彝齋允之勿之小飲七佛閣卽席柬止止上

人

風怒挾沙飛斜陽冷無色亂鴉撲雲來點點如殘墨積雪  
滂山顛樹攔天覺仄疏鐘鏗前溪聲尖風屢勒道林是名  
僧棲神茲淨域談詩兼談禪智慧自超特案橫梅數枝古  
香透胸臆大斗飲莫辭春回仗酒力醉鄉無冰霜豈懼寒  
威逼凍月偏有情預懸歸路側

却寄葵齋仍用來字韻

載酒攜琴慣往來但相逢處卽顏開應知失馬庸非福敢  
說雕蟲不是才情重難禁常作別品高何屑自爲媒明明  
照我天邊月夜夜相思費夢催

枕經書屋呈莪村外舅

晚風吹斷滴檐聲天爲芳樽特地晴  
花豔婉無詩可贈簾  
開喜有月相迎事當盤錯徵高見  
心戀清閒畏盛名  
蘭草日薰香一室循咳至樂話平生

偶書

出門翻覺此身安儘讓人嗤袖手看  
諧世除非真耐俗快  
心何必在求官氣粗祇媿詩書少  
眼濶方知宇宙寬  
且盡樽前一杯酒醉鄉差足我盤桓

湯婆

賜邑誇湯沐婆心老愈慈溫泉移  
忽到獨夜戀難辭齒長  
情偏熱衾寒籠豈衰但憑卿抱脚  
休遣秀才知

葛恪庭以歲暮詠懷詩見示次韻舍之

剩守磨牙一卷文更何閒緒寫云云眼前亦有滄桑感時  
下誰收翰墨勲紅豆幾成和事酒青燈難化出山雲敢誇  
清福修辭山來桂社被寒梅笑十分

青蓮

駐錫畱遺跡高僧剏始功

寺創於大空禪師

碣埋衰草白樹隱斷

牆紅佛懶拈花笑園看闢徑通

露香園舊址

青蓮香杏渺影剩

碧潭空

丙申元旦

一飲椒花酒韶光又轉新凍雲微釀雪芳草漸知春儀節  
隨今俗聰強祝老親年華孤負甚吉語媿旁人

宿望錦樓

眞箇飛身百尺巔危樓宛與九霄連雲驅星彩浮窗外風  
引濤聲落枕邊酒殘近堪盛璧月夢魂高只上瑤天一枝  
詩筆從何洗恰好銀潢瀉几前

看海放歌

生長海濱未識海奇觀想像已十載偶然挈伴海塘來波  
恬浪靜如相待海天一望心先愁乾坤何物終古浮不知  
長空浩浩地無極但見浪花滾滾雲同流四面烟靄橫不  
斷直疑呼吸通霄漢目搖心悸飛詩魂已教攬上瀛洲岸  
須臾東北來封姨更將霧靄西南移十二紅墻現霓闕三  
千玉宇開雲楣大波遙與天馳突直欲淘洗仙人骨置身  
恍到蓬萊宮回頭多是蛟龍窟噫吁嘻生如醯雞蟻底藏

那知世界包洪荒欲尋海若窮奇幻風湧銀濤入混茫

同子良舟中夜話

良友竟同舟欣然載酒遊亂山沈似夢明月爽於秋舊事  
閒相憶新詩帶醉酬高談還自歛清睡恐驚鷗

何家港過渡

布帆高揭海門東遠岸全埋浪影中天澈波心龍抱月樹  
摩雲頂鳥呼風一船人似搏沙細萬頃濤摧戰鼓雄詩膽  
醉來粗更甚夢題奇句到蛟宮

崇明塘舟次

一片蒲帆疾風排兩岸隄亂雲懸舵尾急浪噬山臍海近  
潮聲壯天高鳥影低推蓬看皓月隱與樹相齊



東坡先生生日仍疊來字韻

神自岷峨頂上來芳樽還爲月明開客從赤壁誇名勝我  
爲蒼生惜此才禪悅靜參開士侶奇遊轉仗倭人媒莫愁  
量淺醪嫌濁知爲詩多雨又催

初春肩輿歸里

才上籃輿坐飄然趣便生遠村喧社鼓啼鳥弄春晴雨促  
人耕野潮隨客進城東風吹不盡隱隱賣餠聲

登大境樓有作

樓閣憑城起蒼茫四面空潮吞雲影白樹劃夕陽紅裙屐  
隨人集雲烟入畫工舉頭瀛海近彷彿有梯通

先大父重建上海閘邑節孝專祠經營三載今始落

成感賦

天地正氣常不絕千秋巾幘尤爭烈闢發幽光仗後人肯  
容事跡歸湮滅中江自昔多名媛強半沈潛未照揭大令  
魏公初下車魏明府文瀾  
浙江雲和人徧採貞徽表芳潔舊祠湫隘偏  
賢宮拓地無方費周折吾祖聞之揮淚云我母當年同苦  
節一般寡鵲彈哀絲光增俎豆何分別孝思錫類古人詩  
願建專祠計早決亟求隙地捐金貲竭此心頭一腔熱事  
閱三年始蒞功廣廈頓輝千綽楔冥想貞魂慰藉深不異  
瑤臺聚冰雪今朝致祭集簪裾祇痛老人先永訣心事能  
完魂莫招回思義舉增嗚咽當仍膝下隨親遊節母孝子  
相依切空中倘亦來觀成檐際寒雲濃似結

讀文文山集

豈有黃冠語惟畱正氣伸節完柴市日學媿草廬人運阻  
回天力魂追赴海身大科真不負俎豆况莘莘

道光二年奉旨從

祀聖

看杏花

馬蹄驕不到巖阿色較瓊林未必訛一樣看春人得意偏  
慙郊外遇君多

禽楊肖英仍疊來字韻

前書未會後書來兩度魚緘次第開何肉周妻仍故態江  
花邱錦惜君才詩傳應動雞林賈品重羞煩狗監謀六曲  
闌干閒倚徧詩情又被雨聲催

明陸文裕公墓

松柏森森繞墓門前朝遺獻至今存封章不忝言官職華  
表空歸祭酒魂揮洒雲烟堪壽世飄零臺榭久無痕故家  
三畝池塘在難得烝嘗守子孫

七佛閣

鎮得靈植住香從佛國分寒燈沈細雨清磬落秋雲色相  
忙今古聲華謝見聞山僧良不俗詩句百花薰

贈胡青坳丈

一劍飄零萬里回黃金休悵築無臺偏羞鄉里談官樣誰  
向昇平覓將才下士那知平等法空山猶有未然灰謂丈近事  
勞勞婚嫁尋常事松菊端應趁此栽

黃渡

倚櫂隨潮去飛鴻解送迎  
遠村團暝色老樹錄秋聲  
雨歇雲猶濕溪深水漸清  
柁樓烟影直好卜詰朝晴

寄丙

落落行蹤類轉蓬羊公鶴豈竟  
薿薿側聞駿骨求難得浪  
說蛾眉畫未工一縷詩懷縈  
客夢幾番花信問東風聰明  
易惹旁人忌得失還宜學塞翁

同聽翁子慎飲於湖舫

肯負韶華九十春酣歌來約餞  
芳辰烟波浩蕩能容我肝  
膽輪囷不讓人難得今朝開  
笑口莫忘此日是閒身鼓鼙  
聲息烽烟靖願作堯天擊壤民

老圃訪凌訪泉丈

駕得瓜皮艇如乘碧漢植溪光摩柳色鏡影綻菱花橋斷  
憑舟渡村孤借樹遮故人隔烟水相望只雲霞

富李吟香文見簡

門外秋初到閒中味最長高歌忘歲月尙論及羲皇心計  
勞棋局生涯戀醉鄉夜來無箇事靜擁一鑪香

詒安堂初稿卷四

樣水往還集

上海王慶勳叔彝著

却寄恒亭

迢迢春水米家船回首東風又幾年  
我亦出門成惘惘鶯花同負好林泉

淺樹低唱綺羅身身在春中不覺春  
十二闌干都倚徧未知誰識有情人

閱歷方能眼界空儘他名士可憐蟲  
誰知詩膽英雄處祇博闌黎一笑工

肖英醉題雨花菴詩有橫腰劍氣腥手血  
蒸作風雲墨半天句爲詩僧海雲上人所

多情紅豆幾番拈愁比春光十倍添  
寫到相思還擱筆綠

雲如水浸珠簾

輿中卽景

芳草情多到處迎  
筍輿穿徧綠陰行  
花枝亂截前番路  
才過平橋記不清

復軒丈詩來仍次來字韻畲之

終軍曾許棄繻來  
最是難逢笑口開  
漫說文章真有價  
須知福命不關才  
窮居願學棲遲客  
捷徑羞爲仕進媒  
野外桃花紅似錦  
吟懷又被物華催

子良將赴婁東  
彝齋將歸槎上  
余同季平弟將之郡  
城先夕聚飲卽席有作卽以志別

今夜燈前酒高歌  
樂不禁明朝江上路  
別緒感同深百里



還分夢孤帆各繫心  
匆匆休厭醉難得此招尋

蒲漚塘舟次

舊港經重濬舟行曲折通  
櫓搖山郭外人卧水雲中  
窗瀉晴嵐碧橋分夕照紅  
芳菲真得意誰更及東風

晨起書懷

何惜看山廢曉眠  
詩懷任被客懷牽  
欺人不少能言鴨  
遇事偏多縮項鰻  
倘欠心肝空閱世  
耐招愁怨只除天  
旁觀莫羨生涯好  
不及躬耕二頃田

上巳日同子慎肖英寓齋小飲

惜惜簾幕貯吟身  
每到芳時憶故人  
歷亂鶯花寒食節  
太平人物永和春  
雨中且喜蘇端過  
客裏誰憐范叔貧  
雙槳

綠波明日路又分離思到江濱

天馬山

碧水多情甚青山著意看樹扶雙埕直雲抱一樓寒橋外  
人如織花前蝶作團上方鐘磬寂春入鳥聲歡

橫雲山

直壓羣峰起山靈亦自豪竹迷雲外徑松捲月中濤別墅  
餘鴻爪傳家說鳳毛

上有張涇南  
司寇趙坡

結廬應許我敢詡壯懷

高

古倪園

花徑通青竹春風艷紫薇地偏遊屐少雨久石苔肥小隱  
簞鷗約閒心任鳥飛主人真好客楊柳亦依依

客夜

庭院涼如許，重衾劇可憐。花搖半窗月，燈暈一樓烟。酒薄和愁飲，宵寒抱影眠。吠龍聲似豹，遙帶柝聲傳。

鳳凰山舟次

烟波渺渺水雲間，此地扁舟數往還。孤夢頻驚船底蘚，一灣轉出櫓前山。高低岸脚秧分翠，遠近峰腰竹鎖斑。棖觸愁懷無處訴，忘情輸與白鷗閒。

舟中和子慎彝齋

山色青於畫，春波綠似油。舟輕人促膝，蓬矮客低頭。暝色攬遙靄，虹光枕急流。白雲勞悵望，身世等浮漚。

感懷

裘敝歸來夢亦慵  
歲華徒作四愁供  
生涯拙似拖腸鼠  
情緒乖於割耳龍  
學業敢誇廉孟子  
詩名還愧柳中庸  
者番難免閒雲笑  
何苦投鞭興太濃

夏日卽景

四面重陰合  
輕雷隱隱聞  
樹昏團作墨  
山黯疊如墳  
電影疾于劍  
雨聲鬱在雲  
狂風隨處捲  
驚散幾鴉羣

口占

花事闌珊草色長  
尙煩蝴蝶往來忙  
鄰園知亦春歸去  
老樹分陰綠過牆

青龍菴古榆

壓偏空庭綠  
禪房寂莫春  
身原隨佛健  
錢不療僧貧  
種植

在何代護持應有神居高無俗障閱盡往來人

湖心亭小坐

一亭橫水面涼意撲襟來茶熟客初到風軟荷半開夕陽  
紅抱樹新水綠延苔倚徧闌干影詩情鳥亂催

檢得蘇小由遺文感賦

名元奎海昌人年十九舉  
於鄉二十一歿於京邸

廿年夢付曉雲空博得招魂客路中科第姑酬才子望文  
章難挽命途窮傷心何苦經塵劫奇氣還應作鬼雄知否  
感懷猶有我自攜杯酒奠東風

讀于忠肅公集

翻盡蒙塵局天真一柱擎身孤肝膽竭恩重死生輕慘酷  
究成獄功名夢有情如逢岳少保同此涕縱橫

相傳公爲  
夢神西湖

上公祠中  
祈夢極驗

得家書知內子病詩以訊之

歸期空寫雁頭箋  
底事難將藥石捐  
弱骨休矜寒、瘦慣愁腸易爲別離煎  
瘦看月姊知同恙  
雅得梅妻或夙緣  
料有嬌兒差慰意  
書聲早晚畫堂前

舟夜卽景

銀河清淺冷蟾輝  
隱約星光幾點稀  
窗外忽聞柔櫓集  
夜航都趁晚潮歸

伏日彝齋席上贈歌者

糟邱頓變溫柔鄉  
玉簫吹酒酒花香  
絳袖朱唇未寂寞  
醉中盈耳惟宮商  
點拍何妨律更細  
彷彿霓裳羽衣製  
美人

香草譜離騷趙瑟秦箏盡興隸響遏行雲雲不流清風飛  
入江邊樓不知赫赫日炎午六月虛堂似早秋

和孫春農丈韻

遠樹排雲碧遙山捲幔青水聲喧隔浦花氣塞空亭富貴  
難爭命文章耻乞靈田園堪小隱且與訂茶經

贈楊閑菴丈

青衫落落又經年空挾干時策一篇成佛已甘居謝後談  
詩曾許列盧前誰憐生計三間屋未遂歸心二頃田攜得  
錦囊新著作醉揩雙眼看青天

立秋日浦上散步

未秋先一雨秋意徧江村斜照淡無暑晚潮涼到門功名

消歲月烟水劃乾坤不見飛桐葉蟲聲咽樹根

吳淞舟次

倚櫂烟波裏詩情放眼賒潮聲雄海市秋意健蘆花水感  
魚鱗活雲摧雁字斜一帆風力飽指顧到三槎

舟夜

滿載新涼峭疏燈客未眠波搖光碎月雲動影移天秋氣  
催濃露鐘聲破曉烟短蘆初宿雁詩思渺無邊

重訪何書田丈

秋事真容易重來景又移眼空滄海月名重草堂詩傲骨  
豈諧俗偏長早諱醫名山畱絕業傳世定無疑

舟次同彝齋作



向晚行舟倍有情  
枝枝柔櫓出江清  
露零欲破蜘蛛網  
岸轉先聞絡緯聲  
遠堦摩雲孤月護  
斷橋束水一篙爭  
浮家我比漁人樂  
結伴吟詩到五更

同子良季平夜話

淡到忘機處何妨  
酒百杯漏隨蟲語急  
花帶月痕開畫虎  
誰知妄雕蟲豈是才  
平生讀書意非爲博  
雲臺

同彝齋散步至大德寺

地僻客稀到僧閒  
雲自忙好花醺似醉  
幽草暗生香風緊  
蟬聲苦山空鶴夢涼  
綠楊橋外路一道  
亘紅牆

秋日漫興

危闌寂寞倚孤檠  
吹老樓頭玉笛聲  
梧月半窗僧入定  
松

風滿屋客談兵閒中事肯辛勤記局外人偏子細評何必  
文章勞粉飾年來心地早分明

讀書青龍菴同季平微洲兩弟作

寂寥蕭寺少人知但許青山隔戶窺苦茗澆來還代酒好  
花開偏似催詩久疏世味憎同懶未冷名心佛恕癡別有  
姜家兄弟樂挑燈何碍夜眠遲

青龍溪上小步

極目斜陽外前溪略約通草粘沙路碧樹擁寺門紅一雁  
銜遙靄羣鴉噪晚風數聲疏磬起秋色滿橋東

題肖英玉簫記院本

本應名士悅傾城底事天公轉欠平春意做成紅豆劫淚

絲消得紫雲情閒懷豈諱關兒女癡願何曾隔死生忍笑  
才人心狡猾已將悲感寫分明

招諸同人省園小飲

最閒顏處是心知消得秋懷酒一卮詩興濃于初醉候月  
光好在欲圓時果成名士情原重但守閒緣念未癡剪燭  
莫嫌觴政永露華纔滴海棠枝

虹橋舟次

多少求名客乘風此放船霜威冷江月樹色渺湖烟吉語  
聽人祝寒飈擾夜眠青蘊猶似昔失笑賭先鞭

題肖英蕉露詞後卽送就婚金陵

儘許蘋洲譜裏誇何分鐵板與紅牙多情休種相思樹此

筆能開入夢花好待神仙成眷屬那須風月怨琵琶畫眉  
莫悵無新稿一路青山送到家

歸舟漫賦

載得一艖月隨潮已出城天還鋪水底樹盡學秋聲大夢  
悲千古浮名賦半生沙隄聞雁起消息遍殘更

中秋同子慎看月

看月倚高樓珠簾盡上鉤明知千里共淨不一塵而易複  
前人詠偏多此夕遊廣寒身到者畢竟幾生修

秋感

濕雲如絮裹林端佳境誰同靜裏看持論但拘書卷易留  
名何止布衣難事牽俗見胸懷苦詩帶商音骨格寒剛欲

捲簾尋客燕夕陽紅又上闌干

道中遇雨卽事

忽送傾盆雨雲迷遠近村秋聲搏樹起風力挾雷奔直壓  
茅檐下真如雪浪翻須知畱客意一飯亦懷恩

真如

笋輿穿入雲面面裹烟樹一鳥疾飛來如與人爭路

遊古漪園同李吟香丈作

偷得餘閒仗策尋本來生性愛園林雲容變隼籠花影水  
氣微茫蕩夕陰屏迹空懷投筆志看山易動著書心臨流  
最好明窗淨攜得村醪試共斟

秋夜同子良作

潮勢逢秋急高樓聽有聲敲詩香易燼愛月夢難成愁思  
嚴於債才人誤在名兩心深契處相印一燈青

寄肖英

別時容易聚時少博得離愁日日生但使才華能壽世那  
須科第始傳名十年雅共此肝膽一見便知真性情料得  
吟懷今更健都隨修竹作秋聲

肖英書室  
名修竹

初冬

潦倒秋光又入冬還來江上豁心胸清霜雖重猶存菊老  
樹無多但見松月色照開黃葉路潮聲攬入白雲鐘明朝  
擬向槎溪去檢點寒衣倩婦縫

江上晚眺

流水環門碧開心托嘯歌天寒漁火淡風急雁聲多野曠  
雲封樹潮平岸嚙波重宵知釀雪暝色入烟蘿

懷細林山舊遊

細林風景占雲間碧嶂紅樓白石環難忘新絲添綠鬢不  
辭遠夢繞青山看花怕負三秋約話雨曾消半日閒準擬  
剪茅來結屋一籬涼月掩柴關

郊外卽目

十里城南路嵐光撲筍輿風驅潮拍岸樹擁塢凌虛木落  
孤村出雲藏老衲居冬溫如挾纈處處樂樵漁

槎溪舟次

潮帶月初落稻花香入船烟沈帆影重岸轉櫓聲圓秋色

言  
寂如夢遊人孤可憐消閒須貰酒扶醉枕書眠

崑山小泊

綠樹濃遮市青山半在城斷雲當嶺束斜日隔湖明天氣  
占風色溪流合澗聲鄉關遙極目孤櫂比鷗輕

歲暮漫興

不覺閒中節序更一朝細雨一朝晴吟來綺語皆禪偈攻  
破愁城仗酒兵盡稿偶摹聊寫興梅花未放已含情是何  
吉事煩相報費盡檐前鵲噪聲

野梅

逃名何止厭孤山茅舍竹籬興亦刪羞借冷香誇世界懶  
傳春信動塵寰境荒并拒美人現性僻不容華士攀一樣



雪中爭品者未曾修到似君閑

春來

春來天地健草木亦精神烏是多情種花如得意人酒懷  
添勝舊詩境換成新忍學閒雲懶高眠負此辰

卽事

一溪春水澹于烟芳草如裙夕照邊偏是多情雙燕子替  
銜花瓣到闌前

和子良客中卽事

鄉爲離鄉百感并年年浪迹住江城節過寒食烟猶冷詩  
到吳淞水共清好雨暗滋芳草長閒愁豈爲落花生五條  
絃好休輕弄容易春風動客情

清明後三日卽景

野哭不知慘鳥歡仍自歌紅飛花雨驟白颺紙錢多山峭  
攔雲住溪忙躍石過堪憐青草色處處似裙拖

曙海樓送鍾子良入都

男兒天勅揚文藻傷離陳語須都掃縱使樓誇百尺登飛  
身那及長安道我與鍾期稱雅遊襟懷豈屑斗升謀一朝  
忽思策馬去醉中長揖辭書樓書樓戔戔題曙海爾我周  
旋已十載拍岸驚濤不敢飛蛟龍畏有君詩在青山聽慣  
讀書聲竟擁書樓當碧城時復大言肝膽剖只除海伯也  
知情人生何必無離別得失須憑一戰決二十功名正黑  
頭忍隨兒女銷時節君今莫羨我守株此行不算書樓孤

東皇况亦勤勸駕鶯花逐隊排江湖君不見麒麟閣辭雲  
霄上崔嵬萬倍書樓曠但肯搖鞭有到時金臺不比神山  
望祇期君卽展經猷好把尋常別淚收醉叱天吳來餞羣  
長風吹送滿樓頭

吳淞卽景

春事已如此雲烟興足償綠波搖淺色紅雨散幽香雲淨  
山全露林深屋半藏移舟忘日暮野趣引人長

三月初九日夜同子慎作

迢迢漏鼓已三巡飛上紗窗月半輪許國只愁孤劍負論  
心差喜一燈親情磨詩酒慚今我筆戰風霜感故人  
且與商量行樂法鼠姑莫放過殘春

指子良

睡起偶成

窗搖竹影日遲遲爲蝶爲周自不知畢竟癡懷消未得落  
花時節又吟詩

藥珠書院卽目

東風也護好樓臺不惜繁華境特開草色綠從遙岸見花  
光紅出短牆來亭廊幾處看新築桃李多情戀舊栽誰果  
筆端爭麗景長官今日正掄才

吳淞卽景

喜得晴光逼短篷峭帆看使往來風誰家上冢船初返一  
簇桃花舵尾紅

漫興

柳絮飛殘又暮春連番寒雨餞芳辰市中易改新花樣雲  
外難尋舊酒人謂子良風月鍊成千古債文章磨盡百年身  
一樽相對和愁嘯何物功名換角巾

初夏卽事

深林啼徧子規聲無事閒眠夢亦清春色暗隨花裏老苔  
衣爭向雨中生何妨觴政分旗鼓慣愛詩篇寫性情笑傲  
南窗聊自遣人間敢信有愁城

春水丈以感懷詩見示因次其韻

賞音漫撫伯牙絃歎息容身祇硯田傲世甘爲門外漢移  
家費盡杖頭錢南軒筆妙偏多忌東野詩窮肯乞憐冷看  
天公休再問醉來且抱白雲眠

初夏偶咏

千章木護短牆周，分得新陰綠滿樓。  
歌枕只貪殘夢續，聽風常替落花愁。  
心勞棋劫頻酣戰，情戀壺漿輒醉遊。  
更喜夜來清興足，一痕涼月淡如秋。

楊秋巖姑夫席上賦呈

佳會蘭亭景略同，舉杯何忍負東風。  
月因窺席遙攬白，花爲迎燈益助紅。  
觴政太嚴人易醉，詩情雖動句難工。  
高懷誰似楊无咎，儘許當筵氣吐虹。

挽宋小茗丈

結客徧天下，詩名媿孰如。  
生涯全賴酒，宦橐只存書。  
文字緣何淺，門牆願竟虛。  
徵材猶未畢，偏已返華胥。

丈所著耐吟續譚拙

詩歸蒙采錄乃工  
未竣而先生遽歿

浦右晚歸

落日春江上蒲帆發暮程一船搖月色孤枕撼潮聲欸乃  
聞柔櫓依稀認遠城歸來催晚飯街柝未三更

梅雨

不覺連朝雨淋漓度小年雲疑蒸壁上苔已滌階前樞徑  
頽紅火蕉窗黯綠天陰晴時變易悶極且閒眠

小泊虞姬墩

收帆風漸息來泊釣魚磯斷岸樹扶直空林烟裏肥水雲  
真入畫鷗鷺盡忘機遠望斜陽裏樵夫荷笠歸

舟中晚景

乍歇魚蝦市臨風晚唱多山高疑碍月樹憊欲沈波霧漸  
村邊合帆從櫓後過吳淞潮正落小艇去如梭

野步

倚醉探幽處前溪隔未通晴烟浮草際疏磬出花中波淨  
劃空碧日斜頰遠紅濕泥沾屐重小立板橋東

自笑

自笑生涯未有涯儘拌閒裏擲年華故人才到先謀酒長  
日無聊且種花怕染俗氛思覓靜重繙舊句恨多瑕誤人  
兩字惟溫飽願把先鞭着意加

偶詠和復軒丈韻

盡長人寂寂無事坐山房靜極詩情動閒來酒淺忙地殊



青鎖關夢憶黑甜鄉轉笑雙蝴蝶紛飛太<sub>三</sub>戀香

遊萬竹山房同金碧山王聽濤兩丈<sub>三</sub>賢季平弟作地  
係前明顧氏露香園舊址今春黃<sub>六</sub>南坡明府拓爲  
義倉同邑諸君因於其旁疏池累石倡復舊觀焉  
路人竇簪裏當年此勝遊亭園三面水人<sub>三</sub>生一房秋領略  
詩情遠分來野色幽殘碑還合浦懷古意<sub>三</sub>悠悠<sub>三</sub>顧氏石鼓  
碑久已他  
陟諸君以賞購  
之重<sub>三</sub>嵌於壁

富肖英問近况

屈指經年別匆匆又落花山開詩境濶月載酒情賒龍尾  
名非負豬肝累莫嗟相交原似水心豈隔天涯

問我春來况柴門事事清心猶雄一劍味或戀孤檠地僻

隨雲住花香當客迎敢誇幽興足幸未負鷗盟

雨窗口占

雨窗寂寂嫩寒生竹影搖風分外清熟客不來疑有疾俗  
人相對苦無情簾前新燕呢喃語草際羣蛙鼓吹聲靜趣  
儘堪閒領略懶攜雙屐出門行

曉起

隔牖清光透殘燈燭早微花團餘露墜鳥帶宿雲飛尚有  
詩存案欣無客叩扉井華剛汲得初日已流暉

夏日口占

爲愛晨光靜吟詩興易狂碧浮三面水翠撲萬竿涼醉語  
防生悔閒居轉覺忙辦將禪味領時步贊公房

浦上卽目

然愛炎威一雨收好隨漁父蕩蘭舟喜逢遠札遺紉鯉得通  
朱蒙分取閒情到白鷗百八杵鐘深塢寺兩三聲笛夕陽  
泉信樓荻蘆含得蕭蕭意已覺新涼似早秋

題唐六如集後

不望知心世有人墨花飛處了青春才能賈禍翻成累狂  
到忘名始覺真何暇乾坤雨痛淚任將風月殉閒身劇憐  
隔代招魂者猶爲先生費苦辛  
先生桃花塢祠爲唐陶山方伯所輯

同人集課花書屋

開簾正喜月初圓竹裏茶還手自煎永夕好爲無事飲此  
生原住有情天隆中諸葛眞名士地下劉伶是酒仙懶與

雞蟲爭得失不妨酩酊枕書眠

命曹吉雲

相思不相見賴有好音來我媿耽書癖君虛用世才貧將  
詩骨鍊秋預客心催料得深宵裏悲歌定幾回

東家聽濤丈

落拓無城府愁稀不待刪詩吟新白髮門掩舊青山傲骨  
鶴同瘦幽懷鷗比閒可能痛飲酒長得駐紅顏

曉起同家秋江聽濤兩丈蘇子慎吳味泉暨季平弟

遊湖心亭作

隔夜先招伴乘涼破曉遊月光猶斂水露氣欲團秋草濕  
青迷岸山低碧瞰樓朝霞迎日上紅映藕花洲

送友之官

此日傷離別當年悔結交  
驪歌喧道左鳥夢逐鞭梢  
民已嗟懸磬官休當繫匏  
臨歧珍重語忠告莫相嘲

和李卽卿姑夫慈雲閣韻

領略蕭閒味渾如汗漫仙  
尋詩隨鶴步選夢伴鷗眠  
竹帶烟痕活花分霽色妍  
一甌新茗好石鼎手親煎

超果寺

路繞沿溪僻禪房靜不扃  
嵐光遙射牖池影淺涵星  
雲墜檐牙白苔分佛髻青  
是誰聽偈慣頑石也通靈

書扇和子良韻

恰好花枝對綠窗  
自磨香墨賦蘭茳  
閒庭寂寞簾初捲  
燕

子飛來總是雙

春雲嫋嫋裏  
緊惹愁緒縈成萬種癡  
慘綠年華誰解得  
儘拋紅豆記相思

鑪烟長盡漏沈沈  
笑語渾忘到夜深  
滿地月華寒似水  
幾番香夢負鴛衾

尚訝簫聲繞曲闌  
東風吹恨上眉端  
劉郎消息何從問  
抱得琵琶不忍彈

倚醉和花農丈韻

倚醉上高樓  
湘簾懶下鉤  
玉笙吹月起  
金管過雲流  
香篆消閒夢  
燈花結並頭  
碧城春似海  
鄉本住溫柔

柬金丈蘭堂

嘯傲原知宇宙寬曾經西笑向長安功名唾手談何易山水多情住獨難樽酒只隨從事飲綈袍誰恤故人寒何當華髮絲絲白豪氣如虹不可干

訪友

柳堤行不盡蕭寺恰旁分塔影頽斜照鐘聲咽暮雲不知南浦恨漫誦北山文喜逐柴門近閒心任樂羣

懷金醇甫

漠漠閒庭曲曲廊定煩明月照流黃如何數盡樓頭雁不寄江南字一行

攪亂鶯花獨掩扉門前楊柳又依依胡麻已熟桃開未莫負韶華緩緩歸

東菰

風力撐帆健歸潮與舵爭江懸孤塔峭雲劃一峯晴秋影  
催鴉陣詩心入雁聲碧天遙極目無限別離情



詒安堂初稿卷五

寄深寫遠齋上卷

上海王慶勳叔彝著

余家思宜堂之側有書齋三椽名曰寄深寫遠爲諸城劉文清公所書屋宇閒敞花木翛然嘯詠其間幾忘爲敝廬近市也

讀嚴海珊太史詠史閣部詩感賦

江山無計補金甌天意難教戰氣收轉世何慚文信國鞠躬還似武鄉侯心懸日月丹千古血冷衣冠碧一邱誰料孤忠昭異代褒題偏荷國恩優

乾隆朝少宰江西彭公以先生遺像及家書進

呈仰蒙賜詩嘉許並賜謚忠正

江上晚景

已是新秋屈炎官勢尚驕潮聲和月上雲氣逐風消臨水  
人呼渡招涼客過橋柳陰垂釣者乘興也吹簫

過塘橋鎮

野趣堪償酒一卮稻花風裏客來時天邊雲壓樹頭俯水  
底山撐帆影欹犬吠漸知村近市鳥歡還勸我題詩劇憐  
過浦無三里不道仙源宛在斯

省園十詠

家祠左偏剩多隙地先大父屬爲點綴聊當林泉  
之勝落成後家君各書額言分作十景

奉思堂

奉先當思孝非徒飾文貌聰聽祖考訓長凜前人教

棠陰可憩

勿伐且勿剪毋使緣苔薺事事要栽培此樹猶其顯

儼若舫

斗室小於舫明牕扣青瑣須知不繫舟當慎中流柁

鑑泉亭

清濁流自殊理可悟諸是飲此還思源莫作濠上比

對亭山館

拓地不求廣斗室愜心賞疏櫺四面開閒雲任來往

丹霞塢

曙色凌晨麗詩情際晚妍何當鳴鳳起聲滿大羅天

慈雲閣

詒安堂初稿

卷五

二

傑閣憑空起慈雲永不忘留將餘蔭在長養木千章

清吹時生軒

絲竹微高致箏瑟洗俗心居然雲外集日日送清音

退息山莊

青青者五柳閒閒者十畝急流不可居自宜猛回首

飲思亭

規矩撫高曾紹述在孫子手澤永綿綿視此源頭水

江村卽景

景色江村處處幽何妨乘興愛閒遊高柯遠似擎僊掌荒  
塚圓還賽佛頭綠瀉輕波開放鴨碧圍叢草穩眠牛歸途  
更把禪關叩寫幅新詩壁上留

立秋夜咏

梧葉飄清響涼先金井逢多情一牕月殘夢五更鐘草匿  
蟲聲慘花團露氣濃蘭闌心鄭重早檢舊衣縫

答小英見懷之作

風雨經旬冷竹扉懷人夜夜夢魂飛居樓敢作神仙想入  
世還憐賞識稀懶可瘦權都不俗張南周北共忘機眼前  
成敗原無定一任紛紛說是非

畬家聽翁

小牕鎮日但研丹落落襟期海樣寬子弟敢誇王謝盛功  
名修到范韓難閒從紅友微謀醉惟有黃花最耐看滿酌  
金樽重話舊疏燈挑盡漏初闌

秋夜和子慎

領畧秋滋味清樽好共携月穿珠箔碎雲趁玉繩低風雨  
催歸櫂關山憶醉題壯心消未得天地一醯雞

城西晚步

秋樹重重碧斜陽寺寺紅遊人來水北清磬落橋東曲港  
歸潮咽深林蠟屐通暮霞扶月上遙指白雲中

東程耐圃丈應星

數年不相見鬚鬢盡霜痕生死東坡信丈前年出門後有客死他鄉之信

淒涼北海樽謂朱美堂丈空囊愁儉歲老屋掩荒村尚有吟詩

與挑燈要細論

五色泉有懷葛稚川

一官匏繫憶當年尚有靈蹤在此傳聊借遺書畱姓氏何  
難高士屬神仙鬢邊白髮前朝夢海外丹砂夙世緣失笑  
槐花黃裏客還將佳兆卜枯泉

送樊綺江表兄大齡航海之遼陽

年年航海托生涯攬勝何殊貫斗槎萬頃滄波雲作岸一  
篷明月夢歸家豪畱雙髯欺邊雪雄寫秋心入暮笳還恐  
蛟龍懷時妬奇詩休便十分誇

附作

王慶均

豪氣塞滄洲真堪賦壯遊身隨紅日近夢聽白雲畱客  
思千山月雄心一劍秋天吳原識憤應更獻奇不

秋興

不覺秋潛至鳴蟲滿草萊  
偶當修竹坐便有好風來  
樹帶蟬聲急雲催雁路開  
斜陽無意緒紅欲度林隈

晚步浦上

蘆花涼帶晚烟開秋意潛從眼底回  
南浦落潮歸海去東風吹雨過江來  
寒蟲酬徧砧聲苦孤雁攬成笛韻哀  
隱約光搖星幾點誰家燈火上樓臺

野望

山勢攔江氣吐吞夕陽紅到幾柴門  
出城巒影雙鬟立掠岸潮聲萬馬奔  
古樹臨流遙似屋野花圍路自成村  
參來盡景兼詩意不負親携酒一樽

偕季平弟陪鍾霖溥太夫子金碧山丈遊葉珠書院



此地蓬萊近

小蓬萊道院甚近

仙源恍許尋怪峯成虎踞老樹作

龍吟花靜露猶浥竹深雲欲侵詩懷應共爽清似碧波心

### 同棟菴季平薇洲夜話

携得姜家被如登庾亮樓蟲吟三徑雨月浸一庭秋聲價  
龍門重功名狗監羞彭城今夕興忘却異鄉愁

### 秋日漫興

又分秋影上牕紗容易光陰感物華竈婦祈年閒禮佛閨  
人多病倦持家畦荒雨覆瓢兒菜籬短風敲鼓子花兩鬢  
蹉跎真自媿空餘詩酒作生涯

### 同郭福田暨仁伯棟菴季平薇洲小飲

小飲無多客園蔬喜正肥花光籠酒盞月影護秋衣未覺

家情減須知綺習非一樽饒樂事心共筆花飛

卽景

偶借殘樽破寂寥花因孤冷也無聊樹頭日影初收雨門  
外風聲又上潮開卷豈與新學長談詩還喜故人招月明  
滿地飛黃葉何處吹來碧玉簫

秋夜寫懷

蕭蕭黃葉下寒林聽到秋聲感不禁  
位桂抱香眠屋角海棠無語背牆陰  
醉騎蝴蝶嬉成夢涼倚姮娥照撫琴  
更有新詩容我寫商音閒和草蟲吟

集聽潮吟館有作

識得煙波趣思爲汗漫遊  
愁和詩夢減星傍劍光收  
岸柳

遙連郭江楓欲變秋海氛消已盡好泛五湖舟

秋夜

夜氣秋聲併一帷如丸淡月隔牆窺剪燈替寫佳人影拂  
紙慙題幼婦詞磨墨不愁雙髻改著書應笑半生癡一聲  
檀板誰能會碧海青天繫我思

訪止止上人於七佛閣

塵踪偶許叩松關難把東坡韻事攀居士偈惟花共悟老  
婆禪已草同刪詩因句好先呈佛語到機忘且看山歸路  
若逢人間訊爲言新遇大顛還

同止止上人小飲

共啟蓮花社吟詩愛遠公庭空先得月樹禿不招風結納

來方外心情戀酒中年年菊花候佳約一樽同

題姚梅伯孝廉燮疏影樓詞稿

梅花消息憶江南別向蓂洲譜外參此亦人間姜白石歌  
脣艷摘小紅酣

瑤想瓊思絕代才燈前幾度費推裁那須聽到江城笛已  
自寒香潑墨來

但牽愁處總魂消客裏情懷暮復朝何日紅牙低按拍也  
扶香雪替吹簫

贈杏翁

提壺日日酒家眠賞識誰能到海邊爲善豈談因果事讀  
書但望子孫賢蒔花種竹三弓地課雨占晴二頃田吟就

新詩還寫壁閒居儘可傲神仙

舟行喜得順風

抽得蒲帆滿捷於控勁弦岸排山影疾風蹴浪花圓樹抱孤村立雲扶一堦懸回頭來處路都匿夕陽邊

同胡萼堂丈遊醉白池

萬樹梅花萬古春

四面皆種梅

當年勝跡幸重新經中黃葉堆

成路籬外青山遠有神千載綱常畱正氣

地爲夏忠節公殉節處

前

朝詞賦重名人

地本幾社遺址

西風吹盡英雄淚碧血猶聞閃野

燐

歸舟卽景

雪花消不盡山骨益峻嶒小艇活于鴨孤雲閒似僧帆低

平遠岸樹朽絡危藤遙識柴門近  
牕紅影射燈

阻風杜家行

萬頃波濤湧連江霧不開  
勁風吹水立猛雨挾潮來  
峭影千櫓集閒愁一枕催  
燈花昏似夢懶與照殘杯

周浦鎮

曲港通遙市停舟傍竹村  
帆低橋覆影潮淺岸畱痕  
那信荒江地偏能古處敦  
夜深涼月照碧水繞柴門  
佳景無須遠閒情我自知  
羣鴉圍老樹一犬吠枯籬  
曠野行人少疏鐘度水遲  
石尤良不惡似爲客催詩

過青龍菴訪品涵上人

偷龍天矯向雲團  
風裏空中一磬寒  
入世休嫌同調少  
參

禪須證上乘難門前新水經秋闊  
牆脚豐碑別蘚看羨煞  
老僧無一事談經聲雜鳥聲歡

寒夜卽事

獨夜酒初熟貪吟欲廢眠詩成殘雪後  
鶴倦老梅前風響  
葉如雨月明霜滿天消寒思結社凍墨起雲烟

讀杜文貞公集

工部聲名重文章萬古新干戈雙鬢雪  
天地一詩人才鍊  
飢寒日情牽涕淚身浣花祠在否慨想錦江春

江上卽景

一望溟濛裏江湖帶雨生遠帆如不動  
柔櫓忽無聲浦闊  
岸迷水風寒天欲晴舳艫共銜尾四面抱春城

言  
丁酉除夕同聽翁作

又是光陰欲換時  
街頭賣得幾家癡  
浮雲暗釀迎年雨  
洗硯還拈守歲詩  
客似兩人閒恐少  
酒逢今夕醉休辭  
春風畢竟誰先領  
讓與寒梅占一枝

讀書省園作

寂無人跡至閉戶  
愜幽情但覺鳴禽樂  
時聞落葉聲  
苔痕滋宿雨  
梅影弄新晴  
聊作溫經計  
休嗤客好名

省園梅花盛開詩以賞之

四面皆香雪中藏  
太古春果然清到骨  
何事瘦於人之子  
最芳潔與君孰主  
賓羅浮畱客夢  
明月證前身

寄子慎



分袂剛三日東風已綠波情同雲歷亂興共墨消磨舊雨  
愁邊夢新年酒裏過梅花如我瘦也惜別離多

春夜

月色如銀劇可憐紙牕梅影弄娟娟燈前不讀懷人句正  
恐離愁入夢牽

龔岳菴丈所畫南園雅集團爲張春翁題

酒綠燈紅笑語親當筵結契意偏真寓公暫作名園主小  
子曾爲入畫賓笑指梅花作知己狂呼明月問前身伯時  
妙繪元章紀今古同參翰墨因

偶作

落拓襟期似舊時不才敢望世人知酒香慣作澆愁物眼

閣還吟弔古詩流水逢春眞欲活故人有信轉相思讀書  
豈爲求名計浩蕩江湖歲月遲

富恒亭見懷之作兼謝序言

百里鄉關路書來尙隔年相逢當臘月小別又春天閱世  
情如戲能詩福已仙幸邀元晏序附驥或能傳

乘風能破浪宗慤正丁年折柳詩中畫尋梅夢裏天高歌  
將進酒難忘小遊仙偶試防川策才名到處傳

修理  
海塘

時恒亭佐  
閩仙太守

寄淑齋內子

門外東風着意吹春光又過杏花時休因小病增煩惱但  
覺今年易別離隔院鵲鳩猶喚雨泥人鶯燕慣催詩重衾

總爲餘寒戀屈指歸期奈屢遲

放歌示季平弟

江湖滾滾無時停盈虛消息皆流形乾坤清氣不易得自  
來萬物人爲靈少年莫恃青春好一擲韶華便成老鄧禹  
無端乃笑人富貴功名苦不早快心誰似乘長風封侯定  
遠眞英雄何爲株守在牖下但學阮藉悲途窮黃金之印  
大於斗幾輩從容綰青綬共說懸弧志四方男兒事業休  
孤負霜毫易向髩邊侵日月如梭織古今聞道當年陳正  
字雍州市上碎胡琴

寄衣曲

不待西風吹凜冽早爲征夫念冰雪刀尺聲中夜正長愁

腸還共燈花結容易光陰年復年可能肥瘦似從前紅襦  
欲剪渾無語寬狹難量到夢邊門外月光淡無色迴文婢  
乏蘇家織霜華紛向玉關飛寒威先比江南逼獨掩羅幃  
不忍眠相對銀燈淚沾臆

呈家聽濤丈

功名不羨鬱輪袍一片歸心折大刀事待求人謀已拙貧  
能無詔品尤高舊遊已等烟雲過雅興難除意氣豪百幅  
青山詩百首此中真樂自陶陶

丈土山水

小樓夜讀

寒燈淡淡二更天大好牕前手一編子解讀書還替課妻  
勤繡佛亦忘眠敢誇福分爭千古忍信功名誤百年但祝

今生常似此青氈何必不神仙

偶賦

釀出嬉春景連朝正放晴花嬌開似嫩草健踏還生破夢  
酒千錢賣飴香一城東風真得意慣送馬蹄輕

春興和瞿春甫

東風吹綻柳絲絲門外山如中酒時報國文章原不媿凌  
雲才調自能知虞卿俠骨牀頭劍摩詰閒情畫裏詩滿眼  
鶯花休放過春痕似水壓罌恩

再寄子良

南浦依然試綠波春光難療別愁何客途料得知心少書  
札傳來隔歲多豪傑全憑天造就光陰半受墨消磨幾時

真遂題橋願不負燈牕十載過

青浦

刺船風雨後一路看青山  
塢影城根湧人家岸口環雲憐  
蒼狗變身媿白鷗閒自笑  
名心重勞勞此往還

春望

絢染芳郊景憑闌四望收  
村從花外見雲在樹閒流水氣  
涵千頃山光聚一樓偶然過橋去  
蘭若且勾留

同春甫放舟柰山

一櫂春波燕尾分人烟小市聚  
紛紛流泉飛作空中雨嵐  
氣蒸成水上雲綠野恰宜東作好  
黑頭漫詠北山文年來  
自覺蕭閒甚還與提壺醉夕曛

同徐雲牕翟春甫野外散步

開行同極目天地正蒼茫  
雨過溪流急日斜增影長  
白雲  
晚遠樹青草低橫塘麥隴  
秋初屆風來不斷香

讀書

兔走與烏飛年華動成棄  
愛惜分寸陰猶懼隳壯志  
宴安  
實自危涉獵徒胎累用心  
惟專途庶幾至純粹所以  
夔掌  
樂弗預典禮事臯陶能明  
刑治水未嘗試棋以奕秋  
稱劍  
以越女異古來傳名人其  
道無有二彼非不欲兼長  
短各  
殊致去短用所長其技乃  
獨至因知鮮有成都緣務  
博使  
惟其無勿能遂無一可記

媿我事柔翰拙如隴上鳩  
祇嫌難愜意敢怨長埋頭  
風雨

夜打屋吟誦恒不休書聲風雨聲驚破人間秋非關忘仕  
廬藉作梯榮謀倘亦性所近愛與書綢繆貪書固一癖廢  
書緣何仇若但師定遠大言誇封侯真令我投筆此願能  
償不何如讀古書勝共今人遊名任靳一第氣或橫九州  
卽景次雲窻韻

城外青山如畫裏冶紅開徧武陵桃晚風輕咽鐘聲脆斜  
日遙扶塢影高夏木森森陰四面春江渺渺水三篙何當  
小築清溪上道是先生五柳陶

同子慎散步

春江綠徧鴨頭波嵐影輕籠數點螺一縷東風吹不定酒  
旗低漾夕陽多



歷亂花光上客衣  
芳田白鷺避人飛  
尋春嬾控青驄馬  
獨掉扁舟載月歸

贈雲窻

結得城根屋數椽  
貽家最貴是青瑣  
無窮塊壘憑詩寫  
大好溪山清畫傳

精於山水

清影娟娟梅共瘦  
新袍楚楚柳爭妍

李膺門下稱佳士  
裙屐推君正少年

謂許涖漁師

同恒亭飲感賦

十載江湖別夢長  
今宵猶幸共飛觴  
驚心事每吳牛比  
吠怪情難蜀犬防  
擡重英雄惟血性  
看低人物是文章  
窮途滋味君休嘅  
且勸容身到醉鄉

東恒亭

不雕不琢似天民萬卷羅胸筆有神薑桂性剛終是正芙蓉花好不生春千秋學問空今古兩字功名有屈伸修竹數椽仙世界儻容餘事作詩人

同棣庵薇洲夜話

燈火話團欒如棋局外觀貌爲名士易學到古人難韻事餘詩在愁腸得酒寬心情何所寄獨鶴向雲盤

月夜浦上納涼

露華濃洗氣澄爽簾意蕭蕭逼二更楊柳未能消別感蒹葭漸欲變秋聲眼前風月真無價門外烟波劇有情臨水樓臺真箇好葛衣已覺夜涼生

枕上作

暑甚夜猶熱開窗卧不妨心清久無夢境靜自生涼恍聽  
琴三弄低攢月一房憎池蛙兩部如沸在池塘

題胡眉亭堅丈待雨軒詩

心事惟餘感慨歌少陵詩律老尤苛名堪傳世誰能忌句  
到驚人不在多風雨三更搔白髮雲山萬疊擁青螺似君  
歲月真非易半是離騷卷裏過

同子慎夜坐

相對心閒甚涼颺不待招明河橫屋角殘月倚牆腰有影  
水生白無風星自搖故人渺何許飛夢溯迢迢

謂子良

七夕與季平薇洲飲

屋角如鉤月尚新詞鋒偏藉酒懷伸生爲昆季緣先厚醉

詒安堂初稿

卷五

古

享年華福已眞事到過時皆夢幻詩千鍊處見精神何須  
更乞天孫巧久自甘心守拙人

寄龔恒亭

魚書珍重屢嫌遲贏得年年悵別離廉吏子孫貧更好名  
山事業力能爲閒中歲月聊供酒客裏心情盡付詩管領  
騷壇誰得似一門風雅讓君持